




Festival di Tumberito a conocé hopi obstáculo e aña'ki



Un di e festivalnan cu na su inicio tabata un di esnan mas popular entre e hobennan. Awendia nos no por bisa esaki mas, tur esaki ta bin cu e premio ta masha pober.

E factor di e aña aki tabata cu no tabatin casi training mes y e muchanan cu a destacá ta esnan cu a gana e aña'ki. Contratiempo cu training, contra tiempo cu arreglo, contra tiempo cu composicion y un bòshi di factor mas cu a pone e festival aki den un spot un tiki nublá. Un biaha mas muchanan ta wordo perhudicá pa no tin un liña di maneho den esnan cu ta organizá esaki.

Tin masha hopi hende cu kier yuda cu ideanan nobo, pero nan no ta duna e personanan aki chens pa traha. Pasobra lo tradicional tin cu keda prevalecé.

Manera a wordo treci dilantí den e programa di ATV "Mesa Rondo"...Stofia y saca esnan cu ya caba mester retirá manda nan cu penshon y laga e curazón hoben bin den e organizacion.

Pa otro aña carnaval ta cai mas laat compará cu e aña aki, asina ta cuminzá traha awe mes cu solucion y busca sanger nobo cu por traha tempo completo pa e festival infantil aki.